

泥犁經  
優婆夷墮舍迦經  
佛說齋經

二百八十三  
卷四

49587



三經同卷四

泥犁經

優婆夷墮舍迦經

佛說齋經

泥犁經

東晉三藏竺曇無蘭譯

若 三經同卷四

聞如是一時佛在舍衛國祇樹給孤獨園佛告諸比丘言凡有人有三事愚癡不足人所平相何等為三事癡人所念惡所言惡所行惡今世即得其殃用身若用念若用憂若何等為憂若癡人與智者相隨智者道說癡人行惡死當入泥犁癡人心念智者所言今我



若



行惡死當入泥犁是為憂苦何等為念苦癡  
人見取盜財酷毒操械縛束截手截足竹鞭  
鞭鞞都怙用饑虎若著橐中以火然之若以  
鉄質寸寸斬之若以著地令象踏之若著釜  
上甑中蒸之若取四支生辜挖之癡人自念  
惡人所作無牀至使長吏掠治如是設令長  
吏知我為惡亦當復取我如是是為念苦何  
等為身苦癡人晨夜卧起未曾安隱心常念  
惡口常言惡身常行惡是惡已後病時便自  
見泥犁中火釜中人見人燒時見人煮時所  
作過惡稍來燒人譬如日中後其影稍下其  
人稍入泥犁中惡人即自念言我居世間喜

殺生喜盜竊喜犯他家婦女喜欺人喜兩舌  
喜惡口喜妄言喜嫉妬喜慳貪不信有佛不  
信有經不信所作因有殃福不信有後世生  
令我死當入泥犁是為身苦佛言設令惡人  
眼如我眼見惡人所趣殃過拷掠之處惡人  
即怖心焦破吐沸血而死佛言欲知勤苦最  
若不可忍者三經同卷四獨有泥犁泥犁者極苦不可具言  
諸比丘長跪言願聞泥犁勤苦譬喻佛言譬  
如長吏捕得逆賊將至王前白言此人反逆  
念國家惡王勅長吏以矛刺百瘡明日問之  
此人何類白言尚生王言復刺百瘡明日問  
之此人何類白言尚生王言復刺百瘡佛語

諸比丘言如此人被三百瘡寧有完處大如  
棗葉魚諸比丘言無有完處佛語諸比丘此  
人被三百瘡寧毒痛不諸比丘言人被一瘡  
舉身皆痛何況被三百瘡佛持小石著手中  
示諸比丘是石大大山為大諸比丘言佛手  
中石小柰何持比山欲持比山億億萬倍尚  
復不如山大佛言泥犁中痛與矛瘡痛億億  
萬倍尚不如泥犁痛乎中小石如三百矛瘡  
山者如泥犁中痛癡人心念惡口言惡身行  
惡死後墮泥犁中泥犁中有獸鬼便牽人前  
以鈎鈎其上齧復以鈎鈎其頷口皆挖開以  
取消銅灌人口中脣舌腸胃皆焦爛銅便下

過去毒痛不可忍其人平生於世間時求財  
利逆用飲食故以消銅灌之泥犁勤苦如是  
泥犁中鬼取人持鈎鈎其上下頷皆挖開取  
燒鐵杵刺人咽中脣舌腸胃皆焦爛毒痛不  
可忍過惡未解放不死泥犁勤苦如是泥犁  
中鬼復取人上鐵山以火燒山令正赤上走  
若下走三經同卷四毒痛不可忍過惡未解放不死泥犁勤  
苦如是泥犁中鬼復取人以燒赤斧斬其手  
斬其足斬其百節解斷之毒痛不可忍過惡  
未解放不死泥犁勤苦如是泥犁中鬼復取  
人以鐵斫斫人身舉身骨肉皆悉盡毒痛不  
可忍過惡未解放不死泥犁勤苦如是泥犁

中有鳥喙如鐵生啄人頭嗽人腦毒痛不可  
忍過惡未解放不死也泥犁勤苦如是泥犁  
中復有群駱獸共取人裂食斷齧毒痛不可  
忍過惡未解放不死泥犁勤苦如是泥犁中  
鬼復取人以刀剥之從兩髀腸上至兩脅持  
駕鐵車持兩脇肉為被令挽鐵車走行火上  
毒痛不可忍過惡未解放不死泥犁勤苦如  
是泥犁中鬼復取人兩脚倒擲釜中湯沸踊  
躍在底亦熟在上亦熟沸更上下魚有不熟  
譬如煮豆上下皆熟覆亦熟露亦熟泥犁中  
人所在皆熟魚有東西上下其人平生在世  
間時自放恣心恣口恣身所致泥犁勤苦如



是泥犁中鬼復取人卧著赤地五毒治之似  
燒釘釘其左掌復燒釘釘其右掌復以燒釘  
釘其右足復以燒釘釘其左足復以燒釘釘  
其心下徹地毒痛不可忍過惡未解故不死  
泥犁勤苦如是泥犁中鬼牽人臂入泥犁城  
中泥犁城正四方四面有門城四面皆堅門  
皆若有守鬼其城壁地皆鐵城用鐵覆蓋之不  
得令有過泄地皆燒正赤周匝四千里東壁  
火焰至西壁西壁火焰至東壁南壁火焰至  
北壁北壁火焰至南壁上火焰下至地地火  
焰至上諸惡人有犯此十事者皆隨是中殺  
生者盜竊者犯他家婦女者欺人者兩舌者

惡口者妄言者嫉妬者慳貪者不信有佛  
信有經不信所作因有殃福如是輩人滿泥  
犁中泥犁中毒痛極數千萬歲乃遙見東方  
門閤皆走往人足著地者即焦舉足肉復生  
如故當有得脫者便過出去未當脫者門復  
閉其人見有得脫出者如反不得出便極視  
躡地守門鬼言咄死惡人汝來於門下何等  
求言我飢渴鬼便取鈎鈎其上下頷口皆挖  
開便以消銅灌人口中脣舌腸胃皆焦爛銅  
便過下去其人平生在世間時求財利不用  
道理所犯惡逆故受是殃泥犁勤苦如是復  
有泥犁如世間鑪炭正赤縱廣數千里人步

走出城趣入炭火泥犁中燒炙焦熟不得休  
息毒痛不可忍過惡未解放不死泥犁中勤  
苦如是次復入寒水泥犁中縱廣數千里人  
入其中皆寒凍戰慄破碎摧裂毒痛不可忍  
過惡未解放不死泥犁勤苦如是復次入沸  
屎泥犁中周匝數千里屎即熱沸有氣走趣  
行乏人入其中若便於其中三經同卷四自熱毒痛不可忍  
過惡未解放不得死泥犁勤苦如是復次入  
膿血泥犁中周匝數千里臭惡不可言膿血  
皆沸入墮其中皆自熟爛形體壞敗為烏鳥  
所食毒痛不可忍過惡未解放不得死泥犁  
勤苦如是次復入剝頭刀山周匝數千里人

從膿血泥犁走欲上山山上有刀皆割其足  
適欲據割其手適欲前割其腹適欲偃割其  
背適欲踞割其腕適欲傾割其脇毒痛不可  
忍過惡未解故不死泥犁勤苦如是次復入  
劍樹樹枝皆如劍人入其中劍刺人骨刺以  
骨刺人背刺人手刺人足刺人面前後皆徹  
毒痛不可忍過惡未解故不死泥犁勤苦如  
是次復入鐵竹蘆縱廣數千里樹葉皆如利  
刀人入其中者風至吹竹令震動葉皆貫人  
肌截人骨形體無完處苦痛不可忍過惡未  
解故不死泥犁勤苦如是次復有入鹹水泥  
犁縱廣數千里水鹹水如鹽熱沸踊躍水中

有鳥啄如鐵生啄人肌齧人骨人不能忍是  
痛便度水去守泥犁鬼言死惡人汝何等求  
索人言我苦飢渴鬼即以鈎鈎其上下斷口  
皆挖開復以消銅灌人口中脣亦焦舌亦焦  
咽亦焦腹中五藏皆焦盡銅便下過去其火  
不能復忍復還入沸醜水中苦痛如前不能  
復忍復還入鐵竹蘆中苦痛如前不能復忍  
復還入劔樹間苦痛如前不能復忍還入新  
頭刀山苦痛如前不能復忍還入膿血泥犁  
苦痛如前不能復忍復還入沸屎泥犁苦痛  
如前不能復忍復還入炭火泥犁苦痛如前  
不能復忍復還入鐵城泥犁苦痛不可忍東

若

三經同卷四

六

門苦痛亦如是南門苦亦如是西門苦亦如是北門苦亦如是泥犁勤苦如是佛告諸比丘泥犁苦不可勝數我略麁粗為汝說耳佛言人作惡在畜生中以芻草為食舌撈齒嚼何等為舌撈齒嚼者牛馬騾驢象駱駝之屬好是衆多其人平生居世間時心念惡口言惡身行惡死後展轉來作是畜生勤苦如是佛言有禽獸生於真處長於真處死於真處何等為生於真處者蛇鼠狸獺虫蟻如是之屬衆多其人平生居世間時心念惡口言惡身行惡死後展轉化來作是禽獸勤苦如是佛言有鱗虫生於水中長於水中死於水中

何等為生於水中者蛟龍魚鼈龜鼉之屬如  
是衆多其人平生在世間時心念惡口言惡  
身行惡死後以展轉化來作是鱗虫勤苦如  
是佛言有虫蚤生於臭中死於臭中長於臭  
中何等為生於臭中濕地虫溝邊虫溷中虫  
如是之屬衆多其人平生在世間時心念惡  
若言惡身行惡死後以來作是虫豸勤苦如  
三經同卷四  
是佛言有虫畜主食不淨人更衣遙聞其臭  
走行趣之言我得食何等為主食不淨者犬  
猪蠅虻螂臭穢之屬如是衆多其人平生於  
世間時心念惡口言惡身行惡死後展轉以  
來作是虫畜勤苦如是

佛告諸比丘畜衆多我麁粗為汝說耳佛  
言人作惡在薜荔中者常食沸屎尿所以常  
食沸屎尿者何其人平生在世間時心念惡  
口言惡身行惡慳貪惜飲食故在薜荔中又  
薜荔以膿血為食其人平生在世間時作惡  
嗜美故令食膿血薜荔中有黑狗白狗主食  
薜荔肌肉薜荔中有烏主食其腦或有十歲  
未曾見水者或時百歲未曾得水者或遙見  
水正青欲行趣飲食水空竭或時有水化作  
消銅或鹹水沸如湯適欲前飲鬼便捶之在  
薜荔中勤苦如是佛言薜荔衆多我粗為汝  
說耳



佛言人在三惡道難得脫譬如周幣八萬四  
千里水中有一盲鼈水上有一浮木有一孔  
鼈從水中百歲一跳出頭寧能值木孔中不  
諸比丘言百千萬歲尚恐不入也所以者何  
有時木在東鼈在西有時木在西鼈出東有  
時木在南鼈出北有時木在北鼈出南有時  
鼈適出頭木為風所吹在陸地鼈百歲一出  
頭尚有入孔中時人在三惡道處難得作  
過於鼈何以故三惡處人皆無所知識亦  
無法令亦不知善惡亦不知父母亦不知布  
施更相噉食強行食弱如此輩人身未曾離  
於屠剥膿血瘡從苦入苦從真入真惡人所

若

三經同卷四

更如是

佛言譬如人有掩者初亡甚多至亡妻子田  
宅裸跣無所復有尚復負餘財主大促債以  
烟燻之以火炙之佛言如是掩者所亡尚為  
簿少初亡甚多至亡妻子田宅復負拵餘錢  
為人所燻炙如是為一世貧數之無幾錢歲  
人心念惡口言惡身行惡死後在三惡道中  
過於是在貧在三惡道中無央數正使從三惡  
道中得解脫復於人中生當於工匠若野處  
貧乞匄家作子若以手技自給不能自飽滿  
好衣雖在是中作子或時跛蹇聾盲不屬逮  
人若生於屠殺家或生於賣牛羊屠魚鴉雞

狗從惡道出為是曹家作子復作惡死後當復還入惡道中

聞如是一時佛在舍衛國祇樹給孤獨園佛

誠諸比丘言我以天眼視天下人生死好醜

尊者卑者人死得好道得惡道者人於世間

身所行惡口所言惡心所念惡常好烹殺祠

若三經同卷四

祀鬼神者死當入泥犁中身常行善口常言

善心常念善死即生天上佛言入如天雨水

中泡起雨從上滴之一泡壞一泡成人世

間生者死者如泡起頃佛持天眼視一天下

人有天上者有入泥犁者貧者富者尊者卑

者人所為善惡佛言我皆知之譬若冥夜於

城門兩邊各然大炬火人有出者有入者數  
千萬人人從真中皆見火中出入者佛持天  
眼視上天者入泥犁者如人從真中視火中  
出入者如人上高樓下有數千萬家人從上  
望皆見諸家佛言我見天下人死上天者必  
泥犁者如人從高樓上視諸家佛言如人乘  
船行清水中皆見水中魚石所有佛持天眼  
視天下人生天上者入泥犁者如人視清水  
中天下有明月珠持五綵縷貫之人視珠皆  
見五綵別知縷知珠相貫穿佛見天下所從  
來生死善惡變化如人見珠佛言我見天下  
人不孝父母不承事沙門婆羅門不敬長老

不畏事不畏今世後世不驚不恐者如是輩  
人死即入泥犁與閻王相見即去惡就善

主泥犁卒名曰旁旁即將人導至閻王所泥  
犁旁白言此人於世間時為人不孝父母不

承事沙門婆羅門不敬長老不喜布施亦畏

今世後世不畏禁戒願王處是人過罪王即

呼人前對之若三經同卷四言若為人時於世間不念父母

養育若推燥居濕乳哺長大若何以不孝父

母其人即對言我實愚癡憍慢王言處若罪

過者非若父母非天非帝王非沙門婆羅門

過若身所作當自得之即為閻王第一問

若不見世間人病困劇時羸劣甚極手足不

任其人言我實見之。王言若何以不自改為善耶。人言我實愚癡。憍慢。王言若身所作當自得之。是亦非父母。非天。非帝王。非沙門。婆羅門。過若身所作當自得之。是為閻王。第二門。若不見世間男女老時。眼無所見。耳無所聞。持杖而行。黑髮更白。不如少年時。其人對曰。我實見老人持杖而行。當是時若何以不自改為善耶。其人言我實愚癡。憍慢。王言是亦非若父母。非天。非帝王。非沙門。婆羅門。過若身所作當自得之。是為閻王。第三問。若於世間時不見男子。女人。死。一日至二日。至七日。身體腐爛。形體壞敗。為虫蟻所食。為

衆人所惡若見是何以不自改為善耶其人  
言我實見之愚癡憍慢若施行何以不端若  
行端若口端若心是亦非父母非天非帝王  
非沙門婆羅門過若身所作當自得之是為  
閻王第四問

若為人時於世間寧見長吏捕得劫人殺人

若

三經同卷四

十一

賊即反縛送獄掠治拷問或有將出於道中

格殺或生辜挖者若寧見是不其人言我實

見之若何以不自改為善若為人時何以不

正若身正若口正若心正其人言我實愚癡

憍慢若身所作當自得之是亦非父母非天

非帝王非沙門婆羅門過若身所作當自得

之是為閻王第五問對已畢泥犁旁則牽將  
持出詣一鐵城是第一泥犁名阿鼻磨泥犁  
城有四門周匝四千里中有大釜縱廣四十  
里深亦四十里泥犁旁以矛刺人肉著釜中  
煮之如是無數城中皆有火人遙望見之皆  
愁怖戰慄如是入者數千萬人泥犁旁趁人  
而內其中晝夜不得出入四面走欲求出門  
門皆閉不得出人在其中數千萬歲火亦不  
滅人亦不死久久見東門自開人皆走欲出  
適至門中門復閉諸欲出人復於門中共鬪  
諍欲得出久久復遙見南門皆開走往門復  
閉人皆復於門中共鬪諍欲得出久久復遙



見北城門開人皆走往門復閉人皆復於門  
中共鬪諍欲得出久久復遙見西門開人皆  
走往門復閉久久四門復開人皆走往悉得  
出自以為得脫

復入第二鳩延泥犁中走足著地即焦舉足

肉復生如故有東走者西走者南走者北走

若三經同卷四

者周匝地皆熱焦數千萬歲乃竟自以為得

十二

脫復入第三彌離摩德泥犁中其中有

虫虫名掘喙喙如鐵頭黑是虫見人皆迎而

啄人肉骨髓皆盡如此數千萬歲乃竟自以

為得脫

復入第四崩羅多泥犁中其中有石石如利

刀人皆走上其顛有走下者皆欲求脫不知當如去足皆截剝地石皆如利刀如是復數千萬歲乃竟自以為得脫

復入第五阿夷波多洹泥犁中其中有熱風風大熱過於世間爐炭風來著身燠人身體皆欲避之者常與熱風相逢避之不能得脫其人求死不能得死求生不能得生如是數千萬歲竟乃得出自以為得脫

復入第六阿喻憐波犁洹泥犁中其中多樹木樹木皆為刺樹間有鬼人入其中鬼頭上即出火口中亦出火合身有十六刺鬼遙見人來入大怒火皆出前食人肉十六刺皆貫

人身體裂而食之人皆欲得出走者常觸是鬼如是數千萬歲乃竟自以為得脫

復入第七熟從務泥犁中其中有虫名敷人入其中者是虫飛來入人口中食人身體人皆走極欲求脫虫食不置人皆四面走不能

得脫如是數千萬歲乃竟自以為得脫

若

三經同卷四

十

十三

復入第八檀尼愈泥犁中其中有流水人皆

墮水中水邊刺棘是水熱過於世間湯鑊熱

沸踊躍人皆熟爛走欲上岸岸邊有鬼持矛

矛刺人復內其中令人不得出入皆隨水

下流下流復有鬼鬼復激而鈎之問言若輩

從何所來若為是問人言我不知從何所來

亦不知當知去我但苦飢渴欲隨逐飯食耳  
鬼言我與汝食即取消銅以注人口腹中皆  
焦如是求死不得死求生不得生其人於世  
間為人時作惡是故求解不得解諸泥犁人  
皆復得出自以為得脫還反更入第七泥犁  
中第七泥犁中鬼迎問若去已復還為諸泥  
犁中人皆言我但苦飢渴即復入第六泥犁  
中從第六復入第五從第五復入第四從第  
四復入第三從第三復入第二從第二復入  
第一阿鼻摩泥犁求出遙望見鐵城皆歡喜  
大呼俱稱萬歲閻王聞之即問泥犁旁是何  
等聲泥犁旁即白言是呼聲者是前所過泥

犁中去閻王言是皆不孝父母不畏天不畏  
帝王不敬先祖不承事沙門婆羅門不畏禁  
戒者閻王復見之言若莫非閻王也今若皆  
解脫去當復為人作子者當孝順當善事長  
老當畏天當畏帝王當承事沙門婆羅門當  
端若心端若口端若身人生在世間罪過小  
若且輕泥犁罪過大重若得沙門婆羅門當承  
三經同卷四事然後當得度脫諸惡道勤苦之處皆已閉  
塞對已畢諸泥犁中人皆得出在城外夜皆  
死死者先世為人時雖作惡多猶有小善從  
泥犁中還者皆更正知道從泥犁中出各正  
心正行者不復還入泥犁也泥犁亦不平尺

從惡行所致更泥犁中酷毒痛苦亦可自思  
念亦可為善佛說教如是比丘皆歡喜

佛說泥犁經



優波夷墮舍迦經

失譯今附宋錄

聞如是一時佛在舍衛國止城東出有女人  
子字蕪耶樓人呼為蕪耶樓母佛在蕪耶樓  
母家殿上坐有一女人奉持教戒字墮舍迦  
以月十五日朝起沐浴有七子婦皆使沐浴  
著好衣日未中因飯飯已澡手將七子婦至

佛所前為佛作禮佛言就座皆却就座佛問  
優婆夷墮舍迦今日何等沐浴著好衣與子  
婦俱至佛所墮舍迦言今日十五日我齋戒  
我聞一月當六齋我與子婦俱共齋不敢懈  
慢佛告墮舍迦佛正齋法有八戒使人得度  
世道不復墮三惡處所生常有福祐亦從八  
戒若三經同卷四十五本因緣致成佛

何等為佛正齋法是間有賢善人持戒一月  
六日齋月八日一齋十四日一齋十五日一  
齋二十三日一齋二十九日一齋三十日一  
齋齋日朝起告家中言今日我身齋家中今  
一日且莫飲酒莫鬪諍莫道說錢財家中事



意所念口所說當如阿羅漢阿羅漢無殺意  
齋日持戒亦當如阿羅漢無殺意無捶擊意  
念畜生及虫蛾使常生如阿羅漢意是為一  
戒今日與夜持殺意使不得殺持意如是為  
佛一戒

佛言齋日持意當如阿羅漢無貪心無所貪  
慕於世間無貪毛茛之意齋日如是持意如  
阿羅漢富有者當念作布施貧無有者常當  
念施是為二戒

佛言齋日持意當如阿羅漢阿羅漢不畜婦  
亦不念婦亦不貪女人亦無姪意齋日如是  
持意如阿羅漢是為三戒

佛言齋日持意當如阿羅漢不妄語語不傷人意語即說佛經不語者但念諸善齋日如是持意如阿羅漢是為四戒

佛言齋日持意當如阿羅漢阿羅漢不飲酒不念酒不思酒用酒為惡齋日如是持意如

阿羅漢是為五戒

若三經同卷四

佛言齋日持意當如阿羅漢阿羅漢意不在歌舞聞亦不喜音樂聲亦不在香華氣齋日如是持意如阿羅漢是為六戒

十六

佛言齋日持意當如阿羅漢阿羅漢不於高好牀卧意亦不念高好牀上卧齋日如是持意如阿羅漢是為七戒

佛言齋日持意當如阿羅漢阿羅漢日中乃食日中已後至明不得復食得飲蜜漿齋日如是持意如阿羅漢是為八戒

佛告優婆夷墮舍迦是間有人頭髮有垢自沐其頭沐已其人便喜言我頭垢已去有人持八戒一日一夜者明日即喜喜者便念佛佛經戒迺如是其有人心中有惡意即去善意即還

佛言有人身體饒垢入水中治身垢皆去出水即喜言我垢去身輕其有人齋戒一日一夜明日即喜念佛正語自念當何時得道使我心不復動不復走使我心一志無為之道

佛言有人衣多垢以得灰澆之垢去其人即喜其有人齋戒一日一夜明日即喜便念比丘僧言比丘僧中有須陀洹斯陀舍阿那含阿羅漢念比丘僧如是

佛言如人有鏡鏡有垢磨去其垢鏡即明其

有人齋戒一日一夜有慈心於天下心開如

若三經同卷四

明如鏡者不當有瞋怒意其有人一日一夜

十七

齋戒閱哀天下淨心自思自端其意自思念

身中德露如是如是者不當復瞋怒

佛告優婆塞隨舍迦持八戒齋一日一夜不

失者勝持金銀珠璣施與比丘僧也天下有

十六大國一者名鶖迦二者名摩竭三者名

迦夷四者名拘薜羅五者名鳩溜六者名般  
闍荼七者名阿波耶八者名阿洹提渝九者  
名脂提渝十者名越祇渝十一者名邀摩十  
二者名邀賴吒十三者名越蹉十四者名末  
羅十五者名渝匿十六者名劔善提是十六  
大國中珍寶物施與比丘僧不如齋戒一日  
一夜也齋戒使人得度世道以財寶施與不  
能使人得道今我得佛道本從是八戒起  
佛告墮舍迦天下人多憂家事我用是故使  
一月六齋持八戒若有賢善人欲急得阿羅  
漢道者若欲疾得佛道若欲生天上者能自  
端其心一其意者一月十五日齋亦善二亦

日齋亦善人多憂家事故與一月六齋六日  
齋者譬如海水不可斛量其有齋戒一日一  
夜者其福不可計佛告墮舍迦且將子婦歸  
誦念是正齋法八戒也優婆夷墮舍迦前為  
佛作禮而去

若  
三經同卷四  
優波夷墮舍迦經

佛說齋經

吳黃武年優婆塞支謙譯

聞如是一時佛在舍衛城東承相家殿蒸相  
母名維耶早起沐浴著綵衣與諸子婦俱

稽首佛足一面坐佛問維耶沐浴何早對曰  
欲與諸婦俱受齋戒佛言齋有三輩樂何等  
齋維耶長跪言願聞何謂三齋佛言一為牧  
牛齋二為尼捷齋三為佛法齋牧牛齋者如  
牧牛人求善水草飲飼其牛暮歸思念何野  
有豐饒須天明當復往若族姓男女已受齋  
戒意在家居利欲產業及念美飲食育養身  
者是為如彼牧牛人意不得大福非大明尼  
捷齋者當月十五日齋之時伏地受齋戒為  
十由延內諸神拜言我今日齋不敢為惡不  
名有家被我無親妻子奴婢非是我有我非  
其主然其學貴文賤質無有正心至到明日



相名有如故事齋如彼者不得大福非大明  
佛法齋者道弟子月六齋之日受八戒何謂  
八第一戒者盡一日一夜時心如真人無有  
殺意慈念衆生不得賊害螻動之類不加刀  
杖念欲安利莫復為殺如清淨戒以一心習  
第二戒者盡一日一夜持心如真人無貪取  
若三經同卷四十九意思念布施當歡喜與自手與潔淨與恭敬  
與不望與却慳貪意如清淨戒以一心習第  
三戒者一日一夜持心如真人無婬意不念  
房室修治梵行不為邪欲心不貪色如清淨  
戒以一心習第四戒者一日一夜持心如真  
人無妄語意思念至誠安定徐言不為偽詐

心口相應如清淨戒以一心習第五戒者一  
日一夜持心如真人不飲酒不醉不迷亂不  
失志去放逸意如清淨戒以一心習第六戒  
者一日一夜持心如真人無求安意不著華  
香不傅脂粉不為歌儻倡樂如清淨戒以一  
心習第七戒者一日一夜持心如真人無求  
安意不卧好衾卑衾草席捐除睡卧思念經  
道如清淨戒以一心習第八戒者一日一夜  
持心如真人奉法時食食少節身過日中後  
不復食如清淨戒以一心習佛告維耶受齋  
之日當習五念何謂五一當念佛佛為如來  
為至真為等正覺為明行足為善逝世間父

無上士經法御天人師号曰佛是念佛者愚  
癡惡意怒習悉除善心自生思樂佛業譬如  
以麻油澡豆沐頭垢濁得除齋念佛者其淨  
如是衆人見之莫不好信二當念法佛所說  
法三十七品具足不毀思念勿忘當知此法  
為世間明是念法者愚癡惡意怒習悉除善  
若心自生用樂法業譬如以麻油澡豆浴身垢  
三經同卷四  
濁得除齋念法者其淨如是衆人見之莫不  
好信三當念衆恭敬親附依受慧教佛弟子  
衆有得溝港受溝港證者有得頻來受頻來  
證者有得不還受不還證者有得應真受應  
真證者是為四雙之八輩丈夫皆為戒成定

成慧成解成度知見成爲聖德爲行具當爲  
義乎天上天下尊者福田是念衆愚癡惡意  
怒習悉除喜心自生樂衆之業譬如以淳灰  
浣衣垢汙得除齋念衆者其德如是衆人見  
之莫不好信四者念戒身受佛戒一心奉持  
不虧不犯不動不忘善立慎護爲慧者果後  
無所悔不以有望能等教人是念戒者愚癡  
惡意怒習悉除喜心自生樂戒統業如鏡之  
磨垢除盛明齋念戒者其淨如是衆人見之  
莫不好信五當念天第一四天王第二忉利  
天鹽天兜術天不憍樂天化應聲天當自念  
我以有信有戒有聞有施有智至身死時精

神上天願不失信戒聞施智是念天者愚癡  
惡意怒習悉除喜心自生樂天統業譬如寶  
珠常治清明齋念天者其淨如是奉持八戒  
習五思念為佛法齋與天參德滅惡興善後  
生天上終得泥洹是以智者自力行出心作  
福如是維耶齋之福祐明譽廣遠譬是天下  
若十六大國是十六國滿中衆寶不可稱數不  
三經同卷四  
如一日受佛法齋如此其福者則十六國為  
一豆耳天上廣遠不可稱說當今人間五十  
歲為第一天上一日一夜第一四天上壽五  
百歲彼當人間九百萬歲佛法齋者得生此  
天上人間百歲為忉利天上一日一夜忉利

天壽千歲當人間三千六百萬歲人間二百  
歲為鹽天上一日一夜鹽天壽二千歲當人  
間一億五千二百萬歲人間四百歲為兜術  
天上一日一夜兜術天壽四千歲當人間六  
億八百萬歲人間八百歲為不憍樂天上一  
日一夜不憍樂天壽八千歲當人間二十三  
億四千萬歲人間千六百萬歲為化應聲天上  
一日一夜化應天壽萬六千歲當人間九十  
二億一千六百萬歲若人有信有戒有聞有  
施有智奉佛法齋當命盡時其人精神皆生  
此六天上安隱快樂猗善衆多我少說耳凡  
人行善魂神上天受福無量維耶闍佛語歡

喜言善哉善哉世尊齋之福德甚快無量願  
受佛戒從今以後月月六齋竭力作福至死  
佛說經已皆歡喜受教

佛說齋經

三經同卷第四

若

三經同卷四

泥犁經

之

文二

若

酷毒

上苦

操械

上七

刀及

及

輶

音毗

篋

補迷

及

鞭靴

下都

餽

鳥瑞

藁

古老

鉄

攢

上音

夫

質

釜

音父

甌

子證

掬

上音

姑

下

掠

上音

諒

略

拷

掠

上音

考

上音

年下

完

戶官

棗

早音

上

齧

下音

吾

各音

齔

胡敢

掬

知革

咽

音

斧

音

釘

音

鬻

子

委

反

反

反

反

音

音

音

反

反

二

同

反

反

反

反

反

音

音

音

反

反

正

作

反

反

反

反

反

一

上音

音

略

上音

音

音

反

反

反

反

反

反

下

音

音

質

釜

音

反

反

下

胡

戒

反

音

上

音

竹

補

迷

泥

犁

經

之

之

音

毗

音

夫

質

釜

音

丰	犊	跣	薜	豸	齧	反才	反許	音作	及益	剥	正反
及子	獵	及上	荔	下上	齧	約	斤	據	及	必	上
没	及二	下即	下上	直正	下上	狸	粗	臆	及丁	角	斫
旁	下同	先果	力蒲	尔作	音音	獺	反才	音音	骨	髌	及之
及步	正良	典胡	帝閑	及蟲	元	下上	古	坤寬	縱	及足	若
忙	鞞	及瓦	及	猪	虫	他力	蓄	一	廣	勝	咏
推	烹	二	捶	蛭	蚤	達之	草	喙	容上	脅	卓音
燥	殺	煙	及之	下上	下	交及	俱上	反許	及足	及虛	犁
下上	庚上	燠	委	必張	音	蛟	及楚	穢	戰	業	作音
蘇	土	及疋	跳	兮如	溝	龍	舌	啄	慄	挽	裂列
老	回	祠	及兄	及反	及古	交上	撈	人	吉下	晚音	正
及反	及反	紀	跂	蜣	侯	音	勞下	卓上	及良	泄	斷
劇	詞	二	掩	娘	溷	鼈	音	音	屣	及先	齧
及奇	似	字	二以	下上	正胡	鼈	齒	齧	字屎	節	下上
逆	音	居必	同檢	音苦	作困	減二	雀	及吾	屠	躄	魚胡
腐	泡	偃我	及梁	良	園及	反同	作下	巧	割	地	結界
爛	拖音	及反	裸	及	虫	并	正	斷	合上	毗上	反及



上音 父音 胡郭 反 格殺 上音 陌反 其巔 下音 顛 慘 七感 反 敦 下昆 鑲

優婆夷墮舍迦經

蕪耶 上音 無音 螽蟻 二同 迺 二同 浣 胡管 反 漱 速 二同

鈴 音 閱 音 悅 德 露 上音 故 烏 珠璣 下音 依 居 薜 蒲 閉 溜 力 救

及 渝 音 俞 蹉 七反 何 斛 胡 谷 依 反 薛 反 蒲 閉 溜 救

佛說齋經

飼 音 蠕 動 上音 而 准 不 傳 下音 賦 溝 講 上音 正 參 德

舍 上音 七反



大 三 一

